

須寵渥宜延避社以疾告終訃音未聞良  
用悼惜特加卹典賜祭遣官仍令有司為  
管兆域卿靈不昧渙命祇承

諭祭首七并七文曰

卿凝玄守靜綽有祖風闡教匡時厥功名

茂胡為奄逝某七候臨遣祭有儀敬承  
諭祭百日窈窕週基再期禪除文曰

卿神遊仙境跡化玄都緬憶真風渙施卹

典日月云邁某期倏臨諭祭載須尚其敬  
服

皇明恩命世錄卷之九

四十九代大真人張永緒

嘉靖二十八年

詔隨父入朝及抵都門

上遣太監高忠傳

諭慰勞齋賜養衣玉帶俾服之明日

召見于內庭

錫宴便殿

准嗣教襲爵

暫免入朝勅

皇帝勅諭正一嗣教大真人張永緒嘉靖二

十九年例該朝覲之期朕念爾年幼專差

千戶王勳齋勅傳諭暫免來朝爾宜體朕

至意如諭奉行故諭

勅命

嘉靖二十八年七月二十四日

授大真人誥

奉

天承運

畫

皇帝制曰聖化顯禪風藉玄元之教治功默  
相式質清靜之風惟嗣人能紹乎真傳肆  
朝廷宜申平錫命爾張永緒之先炎漢之  
世揚闡玄機歷代相承尊仰師範述我  
皇祖御極念其祝釐有衛國之功因錫以世

傳真人之命惟爾稟資英發賦性通明充  
振宗風嗣承祖蔭茲特封正一嗣教守玄  
養素遵範崇道大真人掌天下道教事錫  
之誥命爾宜愈加持守益慎焚修務期熙  
治運於昌幸真民生於康泰式昭玄祐永

保皇圖欽哉

制誥

嘉靖二十九年四月十六日

之寶

本年

書三

詔聘定國公徐延德女為配

命成國公朱希忠遂安伯陳德議行婚禮

三十一年

召見

錫宴內庭

賜伯爵服旨

該司禮監黃錦傳奉

聖旨正一嗣教大真人張永緒著給與伯爵

朝祭常服仍賜常用欵此

該禮部欵遵題履移咨工部製造紅羅公

服一領玉革帶全紅羅朝服一副帶事全

青羅祭服一領大紅紵絲衣一領青紵絲

一領金冠一頂玉帶一圍牙笏一執笏送

領用

三十二年正月

○命成婚月餘差官伴送回府

賜應付旨

聖旨正一張真人雖有舊例往迴應付今次

有首差官伴送回府緣何一切都欺視減

大半著照舊例增與四分之一不許違違

書三十七

該部知道

本年

上發內帑銀若干錠特遣錦衣衛千戶趙虎

齋

勅建正一靜應祥符三觀

三十七年

欽降香山神像一座命成祀于萬法宗壇

准加授道士金元清道錄司左正一銓補齊

雲山

玄天太素宮提點

准授法師張拱極立育才任大上清宮提點

提舉

三十八年正月十三日

命早還家論

該中官趙憲傳奉

○聖諭過了二十日早回家去他父親在家時

邊著他欵此

申勅所司照舊優免給與新例勅合旨

聖旨這所奏雜差料價著巡撫官查明優免

應付勅合兵部查照新例給與舡隻照舊

例起撥還寫護勅與他有司不許欺視欵

此

諭有司官員人等不許欺慢勅

皇帝勅諭有司官員人等朕惟玄元之教其

未尚矣正一嗣教大真人張永緒蓋自先

世弘演道教為國祝釐濟利生民陰翊皇

度闋歲滋久玄績益彰用是加以崇秩待

以殊禮所以示優眷之意是真入入觀回

特茲降勅晚諭除雜差料價等項查明如

舊優免應付勅合該部便查照新例給與

舡隻著照舊例起撥外其有司官人等俱

要遵奉勅旨不許故欺慢視如有抗違恣

行欺慢者必治以重罪不宥故諭

勅命

嘉靖三十八年正月二十九日

之寶

四十三年

上御西苑召見

命祈雪于朝天宮又

命醮于內殿明年正月元旦

詔先諸大臣入

見便殿與大學士徐階等七臣同

賜宴殿中

四十四年

封徐氏元君諡

奉

天承運

皇帝制曰國家於士大夫之配成有恩命以寵榮其身至於顯紹真宗默襲玄教則其賢尤足稱焉爾故大真人張永緒妻徐氏

出自元勳之門相我

十九

高真之胤夙諳圖史能律已於端莊繼習經詮恒虔心於平等實生嗣子用續箕裘茲特賜封曰靜和元君錫之誥命夫閑家之道莫先於靜睦族之方莫美於和爾既婦道之有聞尚期母道之無忝式延世澤以答國恩

制誥

嘉靖四十四年九月初九日

之寶

禁約族屬人篤侵害勅

皇帝勅諭靜和元君徐氏

朝廷崇重

太上教首既闡揚其正化以析祐於邦家則必保護其後人以冀衍於派裔茲大真人

身故子幼朕甚憫焉特賜封爾徐氏為靜

和元君管理內事仍選清謹道士四名為

贊教掌書佐理外事爾於幼子務須加意

愛養及時訓教俾無忝厥世以克承國恩

一應族屬人等但有倚恃行高入衆凌侮

侵害者輕則聽爾差人呈告撫按司府等

官戒治發落重則聽爾指實奏聞以憑拿

問其贊教掌書若有所為不法亦聽爾如

前禁治爾欲正人先須正己欲族之不侵

侮亦先須有以睦族爾其欽哉故諭

勅命

嘉靖四十四年九月十五日

之寶

勅賜祭葬卹典旨

聖旨所奏并一應保卹事宜禮部便查例來

看欽此

諭祭七壇文

維

嘉靖四十四年 月 日

皇帝遣行人司行人姚光注

諭祭大真人張永緒曰卿嗣領道教為國祝

釐未及壯年遽爾沒爰加恩卹仍撫爾孤

諭祭特頒併營兆域靈如不昧渙命祇承

諭祭首七文曰

卿嗣教祝釐遷爾早世茲當首七諭祭再

頒爾如有知款承無戮

諭祭百日筵期週替再替禳除文曰

卿之云沒倏爾許時爰以某期載用遣祭

惟靈不泯服此渥恩

奉

皇帝制曰道統于宗教隆元始人本乎祖典

重追崇爾張彥斌乃正一副教凝誠志道

闡玄弘教大真人國祥之祖父出自玄門

遊于方外含真靈府啟乃闡孫不闡宗風

默義化理茲以爾孫之請特贈爾為正一

副教秉誠崇範真人散茂渥于皇綸播休

光于仙錄

制曰道教之原始于玄牝孫諫之裕啟自重

闡爾揚氏乃正一副教凝誠志道闡玄弘

教大真人張國祥之祖母毓秀名閨作嬪  
仙裔發祥再世丕紹真宗茲特贈爾為安  
淑玄君祗服恩綸永昌靈緒

制誥

萬曆三十年三月十四日

之寶

奉

天承運

皇帝制曰朕惟道莫先於忠孝恩莫大於追  
崇此重本著典也爾張承紹乃正一嗣教

庭誠志道闡玄弘教大真人掌天下道掌  
事國祥之父技連仙裔蛻登塵躋今因爾  
子推恩贈爾為正一嗣教崇謙卷素真人  
錫之誥命昭茲異數育爾真靈

制曰至道之宗有名為母若弗獲借榮於前

而得延澤於後則尤宜旌節而廣孝焉爾  
夏氏乃追贈正一嗣教學謙卷素真人張  
承紹之配封正一嗣教凝誠志道闡玄弘  
教大真人掌天下道教事張國祥之母守  
志茹藥訓子承玄茲特錫之誥封為靜恪

玄君爾其益茂修姱永昌祚胤欽哉

制誥

萬曆二十三年五月初一日

之寶

奉

天承運

皇帝制曰朕惟皇王御宇凡視釐陳秘錫福  
導民所以陰翊化理者率道教是崇爾張  
國祥襲蔭有年禱祈多驗心每懷乎冲退  
例宜示夫寵嘉茲特封正一嗣教凝誠志  
道闡玄弘教大真人掌天下道教事錫之  
誥命爾其懋培悃懃堅勵修持描真風以  
成家彰玄化於奕世庶禪祚運無負優崇  
欽哉

制曰翊教軌於人倫借榮比於恒典若乃儲

徽華胄媿美玄門則其賢尤足嘉焉正一  
嗣教凝誠志道闡玄弘教大真人掌天下  
道教事張國祥妻謝氏乃前宗人府事太  
子太保駙馬都尉詔之女系出帝乙之妹  
初質僊室之支能脫穠華自甘澹泊事姑

以孝修饋惟清今特錫之誥封為靜淑玄  
君爾尚效代終於靜專作好速於貞淑式  
增道範永副綸褒欽哉

制誥

萬曆三十三年五月初一日

之寶

書三

二十三

